



## SOALAN LAZIM (FAQ)

### BERKAITAN PERINTAH KAWALAN PERGERAKAN BERSYARAT (PKPB) W.P. KUALA LUMPUR, W.P. PUTRAJAYA, SELANGOR, KEDAH, PULAU PINANG, PERAK, NEGERI SEMBILAN, MELAKA, JOHOR DAN TERENGGANU

**8 NOVEMBER HINGGA 6 DISEMBER 2020**

### **KEMENTERIAN KERJA RAYA**

#### **SEKTOR PEMBINAAN**

- Adakah sektor pembinaan tertakluk kepada Perintah Kawalan Pergerakan Bersyarat (PKPB) WP Kuala Lumpur, WP Putrajaya, Selangor, Kedah, Pulau Pinang, Perak, Negeri Sembilan, Melaka, Johor dan Terengganu?**

Ya, semua aktiviti dan operasi di bawah sektor pembinaan tertakluk kepada Perintah Kawalan Pergerakan Bersyarat (PKPB) WP Kuala Lumpur, WP Putrajaya, Selangor, Kedah, Pulau Pinang, Perak, Negeri Sembilan, Melaka, Johor dan Terengganu.

- Adakah tapak pembinaan di sekitar W.P. Kuala Lumpur, W.P. Putrajaya, Selangor, Kedah, Pulau Pinang, Perak, Negeri Sembilan, Melaka, Johor dan Terengganu dibenarkan beroperasi sepanjang PKPB?**

Tapak pembinaan dan semua aktiviti dan operasi di bawah sektor pembinaan boleh diteruskan tertakluk kepada SOP yang telah ditetapkan. Sila ke laman web Majlis Keselamatan Negara [www.mkn.gov.my](http://www.mkn.gov.my) untuk SOP terkini.

- Adakah syarikat pembinaan perlu memohon permit kerja dengan MITI sepanjang PKPB?**

Tidak perlu kerana semua aktiviti ekonomi dibenarkan beroperasi dengan pematuhan sepenuhnya kepada SOP yang telah dikeluarkan. Namun, syarikat digalakkan untuk mendaftar di dalam Sistem CIMS MITI kerana adalah sumber rujukan utama Polis Diraja Malaysia (PDRM).

**4. Adakah sebarang had waktu operasi yang dikenakan untuk kerja-kerja di tapak pembinaan?**

Perniagaan/ekonomi/industri boleh beroperasi seperti biasa mengikut waktu operasi yang telah ditetapkan oleh kerajaan.

**5. Adakah ujian/*swab test* Covid-19 diwajibkan untuk pekerja di tapak pembinaan?**

- *Swab test* adalah diwajibkan bagi pekerja warga asing yang bekerja di sektor pembinaan dan pegawai keselamatan.
- Mana-mana pekerja asing atau pekerja tempatan yang disyaki mempunyai gejala Covid-19 hendaklah segera diasingkan dan dibawa untuk *swab test* Covid-19.
- Pekerja Asing dan pekerja tempatan yang bergejala perlu disahkan negatif sebelum dibenarkan bekerja.

**6. Adakah pekerja asing yang telah menjalani *swab test* sebelum ini, perlu di uji semula?**

Pekerja yang yang telah menjalani *swab test* sebelum ini, TIDAK PERLU mengulanginya. Namun majikan dan pekerja perlu menyimpan rekod hasil swab test yang lepas untuk rujukan pihak berkuasa.

**7. Adakah kewajipan ujian *swab test* terhad untuk tapak pembinaan yang berada di dalam Zon Merah sahaja?**

Tidak, kewajipan *swab test* adalah tertakluk kepada tapak pembinaan yang terletak di dalam kawasan Perintah Kawalan Pergerakan Bersyarat (PKPB) W.P. Kuala Lumpur, W.P. Putrajaya, Selangor, Kedah, Pulau Pinang, Perak, Negeri Sembilan, Melaka, Johor dan Terengganu.

**8. Bolehkah pekerja asing bekerja di tapak bina sementara menunggu keputusan ujian Covid-19?**

Ya, pekerja asing yang tidak mempunyai apa-apa gejala adalah dibenarkan untuk bekerja sementara menunggu keputusan ujian.

**9. Adakah tapak pembinaan tertakluk kepada had 10% kekuatan tenaga kerja yang ditetapkan Kementerian Perdagangan dan Industri (MITI)?**

Had kehadiran 10% pekerja tersebut tidak melibatkan pekerja di tapak pembinaan. Namun begitu, majikan perlu peka dan memastikan hanya pekerja

yang diperlukan di tapak bina dibenarkan hadir bekerja di dalam satu-satu masa bagi mengurangkan risiko penularan wabak.

**10. Adakah pekerja binaan dibenarkan merentas zon merah ke zon hijau dan sebaliknya?**

Pergerakan merentasi zon bagi tujuan pekerjaan adalah dibenarkan dengan syarat pekerja membawa pas pekerja atau surat kebenaran daripada majikan.

**11. Adakah pekerja binaan dibenarkan merentas daerah atau negeri?**

Pergerakan merentas daerah dan merentas negeri untuk tujuan pekerjaan adalah dibenarkan dengan syarat pekerja membawa pas pekerja atau surat kebenaran majikan.

**12. Adakah kenderaan yang membawa pekerja ke tapak bina dibenarkan untuk beroperasi?**

Kenderaan yang membawa pekerja adalah dibenarkan untuk beroperasi dengan pematuhan SOP. Bilangan orang yang dibenarkan di dalam kenderaan adalah bergantung kepada lesen pendaftaran kenderaan perdagangan.

**13. Adakah kenderaan berkaitan pembinaan dibenarkan untuk merentas daerah dan negeri?**

Semua kenderaan berkaitan industri pembinaan, perniagaan dan perkilangan dibenarkan beroperasi termasuk merentas daerah dan negeri.

**14. Siapakah yang boleh dihubungi bagi mendapatkan maklumat lanjut?**

Bagi sebarang pertanyaan lanjut, sila hubungi CIDB Careline 03-5567-3300.

**Catatan:**

- 1) Adalah menjadi tanggungjawab bersama semua pihak - individu, badan, persatuan sukan, syarikat / operator fasiliti terbuka untuk memahami dan mematuhi semua arahan semasa pihak Majlis Keselamatan Negara (MKN) dan juga SOP Pencegahan Covid-19 yang dikeluarkan oleh Kementerian Kesihatan Malaysia (KKM) untuk kita sama-sama mengurangkan risiko dan membendung penularan pandemik Covid-19 ini.
- 2) Sebarang perubahan terkini sejajar dengan arahan terbaru pihak MKN dan KKM akan dimaklumkan dari semasa ke semasa.